

KALIFORNIA-REN ONGI ETORRIA

EUSKAL-ERRIA-RI.¹

Pro patria semper!

Agur! paper ederra! o! EUSKAL-ERRIA!
Agur! gure lurreko aingeru berria!
Mandataria leiala, launaz igorria,
Desiratzen zaitugu ongi etorria!

Los Angeles-ek egun zaitu ezagutu,
Ezagutu orduko osoki maitatu.
Gure artean zare yin eta finkatu;
Zu emen ikusteaz gare loriatu!

Ameriketan ere beti Eskualdunak
Beren mintzo eztiak dire artadunak
Berriketari ona! zure honseiluak
Gutaz izanen dire oro segituak.

O! Eskuara maitea! azken urte autan
Ari zare edatzen mundu izkinetan
Sabant famatuenean, asko lekuetan,
Zaituzte irakusten, beren Eskoletan.

(1) Atsegin biziarekin argitaratzen det moldaera eder au, bere egilleari: eskerrak emanaz. (Zuzendaria-ren agiria).

Frantziak, Españiak eta Italiak,
Prusiak, Inglaterrak bai ere Austriak,
Orai zaituzte denek ideki atiak,
Bai eta yakinsunen biltzarre andiak.

Ikusi dugu orok, mintzo sakratua!
Zutaz amorostua eta gustatua,
Bonaparte¹ andia, Printze argitua,
Gure Inperadoren aurride yustua.

Eta gu, zure aurrak, Zeruaz deituak,
Bear ginuke izan biotz gabekoak
Bein astiatzeko zure itz gochoak?
Otoi beiragitzala ortarik Iainkoak!

Oore, laudorio EUSKAL-ERRIA-ri
Zerukozko bakea Eskualdun onari!
O! irakus dezagun mundu guziari
Beti fidel garela gure mintzoari.

J. P. GOYTINO,
Editeur du journal français «Le Progrès».

Los Angeles (California) le 22 Juillet 1889.



(1) S.A.I. le Prince Louis Lucien Bonaparte, linguiste distingué, auteur de plusieurs ouvrages sur la langue Eskuara.